

Usia tumpu digitalisasi dakwah, pengkaderan orang muda: Sapawi

Iskandar Dzulkifli

KOTA KINABALU: Pertubuhan Islam Seluruh Sabah (Usia) akan mewujudkan sayap baharu melibatkan kepimpinan golongan remaja sebagai salah satu agenda peremajaan badan dakwah itu.

Yang Di Pertua (YDP) Usia, Datuk Sapawi Ahmad berkata, inisiatif pengkaderan orang muda yang akan digalas oleh Belia Usia Pusat itu juga selari dengan Pelan Strategik Pembrengaran Usia 2.0.

Pada masa sama, katanya, ia bagi memastikan usaha digitalisasi dakwah islamiah dapat direalisasikan seterusnya menepati perkembangan teknologi khususnya dakwah melalui media sosial.

"Dakwah Usia sebelum ini lebih kepada 'bil ihsan' (bersemuka), namun sekarang berbeza sekali apabila dakwah turut melibatkan penggunaan teknologi digital

seperti media sosial.

"Penggunaan media sosial secara meluas ini sebahagian besarnya melibatkan golongan muda atau remaja yang sudah tentu berperanan penting sekali dalam dakwah dilaksanakan Usia.

"Justeru, pengkaderan belia ini dapat membantu usaha Usia mendigitalisasikan dakwah islamiah bagi memenuhi keperluan hari ini dan sebagai persiapan jangka panjang melahirkan kepimpinan remaja Usia.

"Pada masa sama, ia selari dengan penubuhan Puteri Usia yang merupakan antara agenda di bawah Pelan Strategik Pembrengaran Usia 2.0," katanya di Majlis Penyampaian Watikah Lantikan Exco Belia Usia Pusat di Bangunan Usia, di sini, Sabtu.

Hadir sama, Ketua Belia Usia Pusat Datuk Jamawi Jaafar dan Setiausaha Agung Usia, Datuk Iman Ali.

Sementara itu, Jamawi berkata, pelbagai usaha memperkasa belia Usia khususnya dalam aspek dakwah telah dilaksanakan pihaknya bagi mencapai aspirasi Pelan Strategik Pembrengaran Usia 1.0.

Katanya, seramai 21 da'i muda dilahirkan hasil kerjasama dengan beberapa agensi antaranya Jabatan Hal Ehwal Agama Islam Negeri Sabah (Jheains) dan Jabatan Kemajuan Islam Malaysia (Jakim).

"Kesinambungan daripada itu, kita akan fokus dakwah melalui media sosial seperti TikTok, Facebook, Instagram dan sebagai supaya semua pendakwah muda ini dapat berdakwah dengan lebih efisien.

"Kita akan bekerjasama dengan SMART Sabah dan bakal mewujudkan Pusat Dakwah Digital ini di Pusat Latihan Usia di Kota Marudu bagi melatih para pendak-



SAPAWI (duduk depan, kelima dari kanan) dan Jamawi (duduk depan, keempat dari kiri) bersama penerima watikah di majlis itu.

wah muda ini dalam aspek dakwah secara maya.

"Kita mungkin adakan sebulan sekali kursus-kursus pendek kepada anak-anak muda ini supaya mereka dapat menguasai teknologi media massa, sekaligus memberikan input-input berkaitan gerakan

dakwah terkini.

"Selain memenuhi agenda pengkaderan belia muda Usia, ia juga menjadi antara usaha kita bagi memastikan Pembrengaran Usia 2.0 memenuhi keperluan situasi masyarakat majmuk di Sabah," katanya.